



Ukuhlomisa izingane zethu
ngelikusasa

SS 1

Isihloko sesifundo: UJohane wethula uJesu

Umhlahlandlela womzali

Isikole sangeSonto Isikole sasekhaya



Mzali Othandekayo

Uyamukelwa kusifundo: **UJohane wethula uJesu**

Lomqulu ukunika umhlahlandlela ofanele wokuba ungasethula kanjani lesi sifundo.

Ungasilungiselela futhi usethule kanjani lesi sifundo

Nanka amanye amasu ngezansi wokulungiselela nokwethula lesi sifundo:

Isinyathelo	Okufanele ukwenze
1.	<p>Finyelela ku Webhusayithi ye-New Apostolic Church ngokufaka noma ngokuchofoza kusixhumanisi esilandelayo kusuka ku-WhatsApp: https://bit.ly/3NACSSH</p>
2.	<p>Qoqa lezizinsiza zokufunda ezilandelayo ukuze uqiniseke ukuthi usihlomele lesisifundo:</p> <ul style="list-style-type: none">• IBhayibheli• Isifundo ngefomethi ye-PDF esivele silungisiwe• Incwadi yengane yokusebenzela kanye namapensele, amakhilayoni, njll.• I-Vidiyo kiliphi okuyisisiza sokufunda esingezekile / isisiza sokufunda ongazikhethela ngokuthanda kwakho• Ikhathekizimu yemibuzo nezimpendulo (Ikakhulukazi kulesisifundo sesiQinisiso). <p>Qaphela:</p> <p>2.1: Isikhathi esifanele sokuthulwa kwalesisifundo, kungemuva kwenkonzo yangeSonto ekuseni, ngokuhambisana nesikhathi sesikole sangeSonto ukuze kugcinwe inqubo yesikhathi esijwayelekile.</p> <p>2.2: Uyacelwa ukuba ugcine isifundo sibe mfushane uma kunokwenzeka, khumbula izinga lokunaka kwezingane zethu (gxila esifundweni) - uyazi kangcono ingane yakho!</p> <p><i>Isikole sangeSonto ngokuvamile asidluli imizuzu engama-45.</i></p> <p>2.3: Lesisifundo silungele ibanga le-SS 1.</p> <p>2.4: Uyacelwa uthinte uThisha wakho we-SS 1 uma udinga noma yiluphi usizo noma uma udinga ezinye izinsizakufunda kulezi ezingenhla.</p>
3.	<p>Khuleka (bheka umkhuleko osekugcineni kwalomqulu) bese ucela uNkulunkulu ukuba akusebenzise njengethulizi ukwethula isifundo ngendlela Yena afuna ukuba usethule ngayo.</p>



Fundisa lesisifundo sesikole sangeSonto ekhaya

Ungasilungiselela futhi usifundise kanjani lesisifundo

Siyaqhubeka nokwabelana ngezeluleko ezithile zokuthi ungasilungiselela futhi usifundise kanjani lesisifundo:

Isinyathelo	Okufanele ukwenze
4	Yenza indawo ilungele ukufundisa engenaziphazamiso lapho wena nengane / nezingane nisezingeni elifanayo. Isibonele: Hlala phansi ocansini noma eduze kwetafula.
5	Funda kulesisifundo. Phinda ufunde futhi isifundo ukuze usiqondisise kahle. Bukela lesisifundo sevidiyo kiliphu ukuze uthole ukuqonda okungcono ngalesisifundo.
6	Zenzele amanothi ngamaphuzu abalulekile ongathanda ukuwakhumbula.
7	Yazi inhloso yalesisifundo ingane yakho okufanele siyikhumbule.
8	Yethula lesisifundo enganeni yakho noma uyifundele lenandaba uma uthanda.
9	Khombisa ingane yakho ividiyo bese uphinde ubuyekeze incazel yayo.
10	Khombisa ingane yakho umsebenzi okufanele iwenze encwadini yayo yokusebenzela.
11	Khuleka, noma ucele ingane yakho ukuba ikhuleke bese uphetha isifundo.

Izinsiza zokufunda ezitholakalayo mayelana nokufundisela ekhaya.

Nazi ezinye izinsiza zokufunda zokungezelela lesisifundo sibe sezingeni leqophelo:

1. I-WhatsApp. Xoxani ngesifundo se-**SS 1** nomunye umndeni osifundayo nawo.
2. Xoxisanani ngesifundo nabanye abazali ukuze uthole ukuchazeleka kahle mayelana nesifundo ngaphambi kokuba sifundiswe.
3. Khululeka ukwenza olwakho ucwaningo ukuze uthole ulwazi olungezekile.
4. Khuluma noMxhumanisi wesikole sangeSonto webandla lakho noma uThisha wesiKole abazimisele ukukusiza.



Isifundo

Isihloko	UJohane wethula uJesu
Umbhalo weBhayibheli	NgokukaJohane 3: 23 naNgokukaJohane 3: 26-36
Inhloso yesifundo	Izingane ziyabona ukuthi iNkosi uJesu uyiNdodana kaNkulunkulu. UJesu uyayazi intando kaNkulunkulu.

Isifundo esifingqiwe:

- Abalandeli bakaJohane bakhononda kuye ngokuthi iNkosi uJesu naYe ubhapathiza abantu nokuthi uJesu unabafundi (abalandeli) abanangi.
- UJohane wabachazela ukuthi uJesu unguMhlensi (uMsindisi) weqiniso nokuthi iNkosi uJesu yathola isipho esivela kuNkulunkulu sokubhaphathiza ngoMoya oNgcwele.
- UJohane waqhube ka wafundisa abafundi bakhe ukuthi: "Umelwe (uJesu) ukukhula Yena, nginciphe mina." NgokukaJohane 3:30
- "UYise uyayithanda iNdodana, wanikela konke esandleni saYo. Okholwa yiNdodana unokuphila okuphakade; kepha ongakholwa yiNdodana kayikubona ukuphila, kodwa intukuthelo kaNkulunkulu ihlezi phezu kwaKhe." NgokukaJohane 3: 35-36

Ingabe sisho ukuthini lesisifundo kithina namhlanje na?

- UJohane wachazela abalandeli bakhe ukuthi uJesu unguMhlensi (uMsindisi) weqiniso nokuthi uJesu wathola isipho esivela kuNkulunkulu sokubhaphathiza ngoMoya oNgcwele.
- UJohane wathi uJesu kumele akhule kepha yena kumele anciphe. Nathi, kufanele sivumele uJesu akhule ezimpilweni zethu futhi siguquke ezindleleni zethu zesono.
- Ngokuthumela iNdodana yaKhe emhlabeni, uNkulunkulu usinikeze isipho esikhulu.
- UNkulunkulu ubeke konke emandleni kajesu, ngakho-ke uJesu uyayazi intando kaNkulunkulu.
- Kumele sikholwe yiNkosi uJesu futhi senze intando kaNkulunkulu ukuthola impilo engunaphakade kuNkulunkulu.
- Uma singalaleli iNkosi uJesu, sizojeziswa nguNkulunkulu futhi asingeke sithole ukuphila okuphakade kuNkulunkulu lapho uJesu ezosilanda.

Eminye imibuzo esingayibuza:

1. Ingabe yini abalandeli bakaJohane abakhonona ngayo na?
Impendulo: Bakhonona ngokuthi uJesu ubhapathiza abantu nokuthi unabafundi abanangi
2. Ingabe yini uJohane ayisebenzisa ukubhaphathiza abantu abaguqula izimpilo zabo na?
Impendulo: UJohane wababhaphathiza ngamanzi



3. Ingabe yini uJesu ayisebenzisa ukubhaphatiza abantu abaguqula izimpilo zabo na?
Impendulo: UJesu wababhaphatiza ngoMoya oNgcwele
4. Ingabe yini okufanele siyenze ukuze sithole ukuphila okuphakade noNkulunkulu na?
Impendulo: Kumele sikholwe kuJesu futhi senze intando kaNkulunkulu - siphile impilo ejabulisa uNkulunkulu

UMkhuleko kaBaba noMama ngaphambi kwesifundo:

Nkulunkulu othandekayo, ngiyakubonga ngalolusuku

Busisa bonke abazali nezingane

Sengathi singabuzwa ubukhona baKho

Busisa isifundo esizoba naso

Sicela usifundise ukukukhonza

Futhi usisize ukwenza intando yaKho

Ukuze sikhule sisondele kuWe

Thumela uJesu azosilanda

Futhi kwangathi singalungela ukuhlangana naYe

Amen



Notes
